

GOSPEL TANGKOU

(GOSPEL HERALD)

Issue No. 10

Volume: XXXIX

OCTOBER: 2025



MANIPUR EVANGELICAL LUTHERAN CHURCH

Community Resilience, Support and Justice Project - Lutheran Disaster Response

LAUNCHING OF COMMUNITY HUMANITARIAN EMERGENCY RELIEF ASSISTANCE - III (INCOME EARNING OPPORTUNITIES IN CRISIS SITUATION)

DATE : SEPTEMBER 5, 2025, FRIDAY

VENUE : MARTIN LUTHER HALL, MELC CAMPUS, ZOMI COLONY

1. Tailoring
2. Livestock Training
3. Diploma in Computer Application
4. Baking and Pastry arts

5. Beauty Parlour
6. Jewellery Design
7. Mobile Phone Repairing
8. Electrician

9. Carpentry
10. Hair dressing & cutting
11. Driving
12. Diploma in Hotel Management

13. Auto-mechanic and small vehicle servicing
14. Wall painting & Pipe fitting
15. Stone & Marble Carving

KUM THUPI

“Na Gam Hing Tung Hen”

(Mathiu 6:10)



MANIPUR EVANGELICAL LUTHERAN CHURCH

Sangaikot Division

NUTE leh PATE CAMP - 2025

Thupi: “Na innsung umdan ding sutup in...” (2 Leengte 20:1c)

Speaker: Evangelist Upa Lianding Guite

Amun: Sangaikot MELC

Ani: 4th - 7th September, 2025.

EDITOR:

RT. REV. KHUP DO KHEN,
BISHOP

EDITORIAL BOARD:

Founder Editor:

Rev. Hauzalian Manlun

Editor

Rt. Rev. Khup Do Khen Bishop

Mobile: +919612388924

E-mail: khupdokhen@gmail.com

Join Editor:

Rev Suanboi Tungdim, Director of Ministries

Mob: +918837008618

Email: suanboi@gmail.com

Managing Editor:

Pastor Dr. M. Kamneithang Zou

Mobile No: +918974609177

E-mail: pastormthangboizou@gmail.com

Contributing Editor:

1. Rev Dr. Hangminthang
Mob: +919612997858
2. Rev. Thangliankham
Mob: +919862830905
3. Rev T. Chinlunmang
Mob: +917630854610
4. Evan. Ginminlun Tawtah
(Youth Promotor)
5. Nh. Nuamboi
(Women Promotor)
6. Divisional Superintendent teng

Design & Setting:

Upa Khuplajem Guite

Circulation Manager:

Pa Dongzakam

Mob: +919612198903

Upa Tutzamung

Mob: +918731830436

CONTENT

1. EDITORIAL : 1
2. PASTORTE PAHTAWINA NI KOITE E PASTOR : 3
3. KUM THUPI "NA GAM HING TUNG HEN" : 4
4. PASIAN INNSUNG DONGTA : 10
5. KHRISTIANTE LEH TATTOO : 15
6. JABEZ THUMNA : 19
7. SERIAL-8 : 25
8. AMERICA CHRISTIAN MIHANG SAN CHARLIE KIRK TANCHIN : 27
9. HA CHIN A KUM THUPI HILHCHETNA : 31
10. MELC INNSUNG THU : 32

Life Member : ₹ 3000/-

Patron Member : ₹ 2000/-

Kum Khat lah man:

- i) Khut ah ₹ 200/-
- ii) Dah ah ₹ 250/-

Article zousie Managing Editor leh Editor kung a pieh ding; ahilouleh, Email in melcqrts@mail.com leh WhatsApp tungtawn a zong piehthei ding ahi. A lahman Circulation Manager kung a pieh ding ahi. Tualeh Article kigel zousie Editorte ngaidan ahikim suoh sih hi

Editorial laikung pan



PASTORTE PATAWINA NI

(Pastor Appreciation Day on 12th October)

Tami Pastors Appreciation Day kichi khu ei Zou ham a ileh khiet leh Siempite Pahtatna Ni china ahi hi. Eilam ah akithupi bawl seng sih a, Nitumna gam lamte ah akithupi bawl zel hi. Tami khu 1992 kum in America gam ah ahing kipan khie hi. A hing kipat khietlai in National Clergy Appreciation Month chi in ana Phuong khie uhi. Tami khu October ha ana hizing hi. Bangzieha October ha ana tel khieh uh ahidiei chivang aki thei doh sih hi. Tambanga ana zah zinglai un, amin ding ahing heng kia ua, Pastors Appreciation Month ahing chikia uhi.

Tambanga kumkhat sunga ha sawmleni lah a Ha khat khu Pastors Appreciation Month chia ana zah zing lai un, hunte hing peitou zel in, akum akum a ana kizang pen ahing heng kia ua, ni khat mai mai zang ta vai ahing chi uhi. Tuachiin ani ding khat fix bawl va ui ahing chi ua, tukum 2025 a dingin October 12 ahing hisah kia ta uhi. Bangteng hileh ei hattuom in zong izah na uh asawt nai vawt sih a, i zang phatuom mama dingun ka gingta hi. Pastorte chia igenkhah chienga, a hahiem, a ipla leh kamkha a zang nuom ten ten itam na alai ua, da huoi mama hi. Chit le chitlou thu hilou a, Pasian in Ama nasem ding a aguotte ahitah ziehun, i pastorte khu, isimmaw leh a nna neipa Pasian lungthahna sukha thei ihidan thei chiet va ui.

Bangteng hitaleh, Pastorte zong mihing ahi ua, tahsa utna nei, gilkiel thei, dangta thei, lungthah thei, hase ngutngut thei, dei le ngai, kul le poimaw tamtah nei ahi uhi. Etton tah hinkhuo kam

“Na ta zieh a na kaa hun ahing tunma ngei in, naupang khu zep mai in”- **Arap Thupil**

haam, gamtat, khohei nasep leh silbangkim ah azah ding uh pen hizou vevaw lou ahi maithei uhi. Hinanle zong Pasion hatna aw (Calling) ka nei hi chia, Laisiengthou zil a, Pastor dinga mipite'n ilate ahi uhi. Mitsin sa a ilah uh zong um sam sih e. Lamkaite'n aning-akiu en kawm a ahing lah uh ahi hi. Ama uh zong Kumpi nasepna tuomtuom leh zi leh ta va theina dinga nasep chituom tuomte lunggul non lou ding leh simleivai apatsa kituom koi a, Pasion nna siengthou tah a sem dinga hing kipe khete ahi uhi. Thu nasem ahita ua, inu sung pan a ipien khieh chienga Pasion kunga latna ahing bawl uh, izi nei chieng ua Hattuum dan a ahing kiteen sah uh, ilawchinnate a Pasion kunga lungdamthu ahing tutpi uh, ishi chieng ua ahing vui uh ahi. Inn honna, naulatna, mualsuong honna, baptisma tanna, maitam bawlana, kilatna chituom tuom te a i pastorte mama in ahing bawlsah uh ahi hi.

Nidanglai, pasal khat in, *“Ka humpi mat, ka ngaltang mat te na gen ut sih ua, ka zawlta nei thu mai mai na gen uh hi”* achi banga, i Pastorte chitlana, hatlouna, siemlouna, mitmawnate gen gen ding ahi sih hi. A siam, apil, ahoi, apha leh ahausu ahizieh ua, Pastor a hing pang ahi sih ua, Mangpa Hatna (Calling) atan zieh ua hing pang ahi zaw uhi. Tambanga, inopni a hing noppi, idani a hing dapi, ikung nai a umzing, eite lah a Pasion Thu hing hilte khu, nikhat hattuum ten ama uh te patatna ipieh uh pen asietna bangma aum sih hi. A thupi henhun/ sieng in bawlvaichina ahi sih hi. Pastor umlou Hattuum a um thei sih a, Hattuum ten i pastorte uh ikep ua, i etkol uh ngai ahi. A innten-alouten uh zong i et-pieh uh angai hi. Tumasangin, Lamka East Division ten i pastor hasatna tuoh khat panpina dingin Pasianni thawlawm khat pe va ui chi in, thusuo leh nasep ahing sem ua, lamkaite patathuai kasa mama hi. Tambangma in Division dangte'n zong bawl theilei hoiva ka chi hi. I pastorte khu eima khut a kinga liu liau ahi ua, amaute donle –kep pen hattuumte mohpuohna ahi hi. I Pastorte'n, lungdam tah leh kipah tah a Pasion nna hattuumte lah a ahing septheina ding un, Nikhat pahtatna pe dingin kisa chiet va ui. ■

“Damsung ni Kum tampi belap sangin, damsung hun phatuomtah a zat apoimaw zaw hi” - **Alexis Carrel**

PASTORTE PATAWINA NI KOITE E PASTOR?

Pastor Hausawmlal, Local Pastor, SLC

Silkhat pou pou a kemtu a um hi tam leitung a, tuana a kemtu in a sil kepku athei chieng in athei hoi mama uhi. Kemtu dieh amaute khu muanpente ahi zieh ki kemsah jel ahi.

Tua mabang in Jesu zong a nuazuite a thukem ding leh nungzui bawl ding in mopuohna lientah na pieh in (John 21:15-17), tualeh Nuazui masah ten zong tam Pasion thukem ding in mi mopuohna ana pieh toujel ua tuate tu hun a Pastorte ahi uhi. Belampu lien Jesu in belampu hina anuazuite ana peson pen khu apeitou jel ahi (Nas. 20: 28).

Army term peidan in gen ding hitalei Pastorte pen sepai lamkite ahi ua, anuoi uah army tamta a enkhoh jel ua, tuanah Jesu Khrist khu a chief Army ahing hita hi. Pastorte khu mopuohna lientah nei ahina uah a thu kemtu te leh hiltute ahi uh

chi theisiem mama a ngai hi. Tuabang in Pastorte in zong kemtu ka hi chie a sil hing kep khu hoitah nou a thei ah a etkhol zing uh khu sil poimaw tahkhat ahi.

Tuaban a hattuom mipite'n zong Pastorte khu a mopuohna uh theisiem ah silkepte uh en a zatatna pieh a doh leh sah a neizing ding khat ahi uhi (2 Timothy 4).

Tualeh Pastor ding te'n zong Pastor ministry line khu calling neitah leh ahinkhuo ah apenpen a koi masapen a koi un, siemna zil jou ah tammi line dei na toh ang zuipai ding khu sil dihtah leh kipatna dihtah khat zong ahil.

“Kihoisahna khu mutheilou khelna ahi”- **John Milton**

Pastorte pen hagau hinkhuo a lampi hiltute ahina dol uah, hattuom mite hagau aki mapuisah ah ahinkhuo uah Jesu ma liansapen te'n Pastorte ma hing theisiem pai un amaute panpitu leh

deisahtu in pangzing pai uhi. A pastor pa hina a enlou in a sung ua hagau nasep Pa tungtawn ah a thukemsah leh athaunutu Jesu a etzaw zing zieh ua Pastorte deisahtu leh ngainatu ana ahi zaw jel uhi.

PASTOR MINLAM SAU:

- P** : Preacher of God's Word (2 Tim. 4: 2).
A : Advisor and Counsellor (1 Thess. 5: 12-13).
S : Shephard of the Folch (1 Pet. 5: 2).
T : Teacher of Righteousness (Eph. 4: 11-12).
O : Overseer of the Church (Nasp. 20: 28).
R : Role Model of Faith (1 Tim. 3: 1-7).

- *Source: Internet* ■

KUM THUPI:

“NAGAM HING TUNG HEN”

(Matthew 6:10).

- *Mangchinlam of Immanuel Khopi.*

THUMAKAI: Christian zousie in Mangpa thumna kigen gige “***Na Gm Hing Tung Hen***” achi khu bang agenna ahiei chi ithei nai? Nathei ei?

Jesu hunlai in, Judate Roman khutnuoi a umlai un, Messiah lenggam ana ngala mama uhi. Amaute ngaidan in Pasian lenggam pen khovel dan a hing

umding in ana ngaitua uhi. Pasian lenggam hing tungding in Kumpipa David hunlai bang a Israelte hing hat kieding in ana gingta uhi.

“Khotang sietna, innsung a azung akaidan suilou a bawlphat I tup leh, i lohsam ding hi”- **Dr. Kenneth Chafin**

Romte khutnuoi ah aum
 ahi zieh amaute khutnuoi
 apat suatading in ana lam-
 en uhi, hinanleh Jesu in;
*“hagaulam lenggam pen
 gingtu mikhat alungtang/
 alungsim apat a hing kipan
 ding ahi”* ana chi hi. **Luke
 17: 20-21** na ah Pharisaiten
 Pasion gam hingtung
 hunding adoh lai un Jesu’n
 akung ua *“Pasion gam
 pen muthei in ahingtung
 sih dinga, Pasiangam khu
 noute laha awm ahi ana
 chi hi”*. Tuazieh a Pasion
 lenggam pen leitung vai ahi
 sih a, hagaulam leh Pasion
 lam ah i hinkhuo mandan
 agenna ahi, **Matthew
 6:10** na Mangpa thumnate
 lah a khat ahia, Jesu’n
 muoltunga athugenna (Mt.
 5-7) anuazuite Pasion dei
 banga hing dingdan anagen
 hun a ana hilna hi. Jesu’n
 anuazuite; mi lepchiete
 banga thumlou dinga ana
 thuhilna ahi. Pharisaiten leh
 Sadukaite athum chieng
 un; agen khat uh gengen

ua tualeh goldung golvaite
 a thu a ngen uhi. Azieh
 ahileh mite’n ka thumna
 za uh henlen, hing pahtah
 u’leh chi aut ziehun mite
 muding in akipulah uhi.
 Tua kawmkal ah Jesu’n
 anuazuite kung ah hichie na
 thumding uh ahi chin ana
 hil zaw ahi.

#Ki ngiemkhiet tah leh
 simple tah a thumding.

KINGDOM (Lenggam)

Leitung Lenggam:

Leengkhat khutnuoi a umna,
 athuneina nuoi a umna
 genna ahi.

GENTENA: United
 Kingdom (UK) Kumpipa –
 Charles III in lengvai ahawm
 a tuate ahileh: Wales,
 England, Scotland leh
 Northern Ireland. **Japan** -
 Emperor Naruhito leh Saudi
 Arabia - King Salman.

Tamna a *“Your”* ichi khu
‘belongingness’ ei haam in
 nang a, kei a china ahi (Tami

“Mi khat aumna zousie a Khristian ahi theisih leh, hoimun ah zong
 ahithe i tuon sih ding hi”- **Henry Ward Beecher**

Tang ah Pasian a agenna ahi) Leenggam khu ‘*Basileia*’ **Greek** thumal apat hing kilakhia ahia, Pasian in ama khutnuoi ah akoi, awpkhum, thuneikhum, luakhum china ahi. Pasian in thu zousia a thunei ahi chi a ensa a, vantung gua hilou in leitung a zong thunei ahi chi i mu uhi. Aban ah i et leh hingtung (come) **Grik** ‘*erchomai*’ apat hing kila ahia, bang genna ahiei i chi chieng in hing um, hingtung, umkhia, poukhia, theikhia china ahi.

BIBLE IN PASIAN LENGGAM AGEN DAN:

Old Testament: Pasian pen Israelte tung a thuneitu (Ps 103:19).

New Testament: Tuhun khu gingtute ading a Khrist lal hun ahi (Luke 17: 20-21) Pasian gam eite lah zong um. Pasian in kumtawn, kumtawn in vai a hawmding hi.

Pasian lenggam chi ni a khentheih ahi:

1. The present (*spiritual Kingdom*): Tulaitah Pasian lenggam pen Gingtute lungsim/ lungtang a um (cf. Luke 17:21).

2. The future (*visible Kingdom*): Ahing tungding Pasian Lenggam pen Jesu leitung a hing kumsuh (second coming) chieng a Pasian leitung a vaihawn hun ding (cf. Rev. 11:15; Matt. 25:31-34).

BIBLE SIEMTE MUDAN (*Scholars’ insight*):

Personal submission: Clement of Alexandria leh Martin Lutharte’n “*Pasian in mihingte ama khutnuoi a hing koi ahi, tuazieha ama deibanga ki piekhietding ahi ana chi uhi*” (Suaoh/ servant) khat apu kunga aki piekhiet bang ahi)

i) Moral & Spiritual Transformation: NT

“Mathematics siempente ahileh, Niteng a guolzawlina atan sim-siemte ahi uhi”- **David Phelos**

Wright in “*na gam hing tunghen*” ichi pen tambang in ana gen hi, “*Lemna, muonna, kilemna leh kiheng lamgdangna hing tung hen nachi uhi*” (**Personal Testimony**: Mihing khat apientha chieng in tahsa leh hagau a aki henglamdang dan genna ahi).

ii) Mission & Evangelism: Craig S. Keener in “*Pasian thuneina khu leitung pumpi a kitheza hen ana chi hi*” (**The Missionaries**: Pasian lenggam itunga ahing tung chieng in mission nasep ki-ut ahi).

iii) Holiness & obedience: John Stott in “*Thumanna leh Sienthouna khu gingtute lungsim/ lungtang a hing kipan ahi ana chi hi*”. Tuama bang in **John Wesley** in zong “*Cleanliness is next to Godliness*” ana chi hi. Piengtha khat ihi leh Pasian toh zawkhawm ihi man un

tahsa polam leh sunglam (*inward & outward*) asienthou gige ngai ahi.

PASIAN GAM NATURE UMDAN (*Nature of God's Kingdom*):

Tukhang a Pasian lenggam pen Gingtute lungsim, lungtang ah a aum hi. Bang chibang a um ahiei ichi chieng in **Johan 3:3na** ah Jesu leh Nicodemus kihouna a kimu hi (*You must be born again*). Tua banah **Nasepte 8:12na** a Philip in Pasian Lenggam leh Jesu Khrist tanchin agen zoutah in agingta ua, baptisma atang ta uhi.

PASIAN LENGGAM JESU GENDAN: Jesu in Pasian lenggam pen Bible a gentena te ah ana genchieng hi.

i) Ankamtang (Matt 13;31-32) na in “*vangam khu ankamtang khat min ala a, lou a athe bang ahi. Ahing khanglien a tungleng*

“Thumna in atup leh angim lienpen Pasian bil (ear) ahi”- **C. H. Spurgeon**

vaten angbel ta uhi achi hi". Agen utna pen Pasion lenggam pen aneu apat kipan ah hing khanglian ding genna ahi a, mikhat piengtha ahi chieng in, khovel silte taisan in sietnate tung apat in ahing momdoh dinga, miten ama apat in Pasion lam a kihengna/ kikhelna ahing neita ding achi utna ahi.

ii) Tol (yeast) Matt. 13:33na in, Numei khat in tol ala a, atehna (measurement) 60 pounds, tangbuang lah a abawn a ajelsua masangsia aphum bang ahi. Pasion in mihingte hinna a hen lamdang dan genna ahi.

iii) Suang manpha leh gou (Matt 13:44), "*vangam khu loulai a gou kiphual toh kibang ahi*". Amanphatdan pen sil dang zousie sanga manphazaw ahidan agenna ahi.

Ngaitua lei, leengkhat in amipite kung ah ann

nekhawmna neiding in chielna abawl a, khenkhatte avapei ua ann nekhawmna ah nuomtah in hunte va zang uhi. Hinanleh khenkhatte ava peisih ua ava tel khasih uhi. **Luke 14:15-24na** in agen chieng mama hi. Pasion lenggam pen mi zousia ading in akihong ding a hinanleh ama thunuai, ama khutnuai a kipekia kitulutte ading bou ahi. Tuazieh in Leengpa chielna khu na pompia nai?

Na lenggam hing tunghen ichipen athu maimai agen hilou a, nasep toh juinding ahi. Nitenga i thumna a i hinpi ding ahi.

i) Ni tenga Pasion kunga kipiekhiat ding (surrender) Matt. 6:33 na in "*Pasion lenggam leh adihtatna sui masa un achi hi*". Bangkim sep-le-bawl ah Ama koi masa gige ding china ahi.

ii) Ama thuzui ding (Luke 6:46) na in "*Bang ding a kagente bawllou pi a*

“Mi dihtat tha khat thu in ahausapai sih hi” - **Grik Thupil**

Mangpa Mangpa hing chi nahi uai? Mi tampiteten Mangpa chin ahan ding a, hinanleh athu zui umlou uhi. Pasion lenggam i hithei nading a i hinkhuo mansung a athupiehte izui ngai ahi.

Jakob 1:2 na in *“Gingtatna toh athu zui angai hi”* ana chihi.

iii) Pasion lenggam manphatdan tami leitung kidahhuai lah ah phuanja ding; **Roman 12:12** na in, *“tam leitung umdan toh kitua in um sih unlen, Pasion deilam leh ahoibukim bang ahiei chi lungsim tha puoh in hingzawta un achi hi”* Azieh pen tam leitung pen, neguna, thangtatna, kisolna, dihtatlouna, kigensietna a dim ahi.

iv) Pasion thu phuangja a alenggam kehlet ding ahi (Matt. 28:19-20) na in *“Pei unla nuazui ding bawl un, Pa-le-tapa leh Hagau Siengthou min in baptisma*

bawl un”. Pasion lenggam pen athu i phuangja chieng a hing khanglien ding ahi. Pastorte leh Evangelist te sese hilou in gingtuten zong ama nuazui ding mite etton thei na dinga bawl thei ahi. Lawi leh paite lah ah, innkuan sung ah, khotang hinkhua ah, tualeh isepna mun siemzilna munte ah zong Pasion nna septhei ahi.

THUTAWP: Pasion lenggam hingtung hen ichipen eima tahsa, hagau a Pasion a um nai china ahia, Pasion hagau pawlna, Pasion hagau keitunga/nang tunga hing umhen china ahi. Tuazieh in na lenggam hingtung hen ichi ngam ei? i chi ngam ngai ahia, na chi ngamlou leh Pasion lam a kiheikia vai, ki entha kia vai chi khu hattuom misiengthoute kunga kang gen leh kang nget nuam ahi

Mangpa’n simtu zousie hing guolzawl taken! Amen. ■

“Khristian tha-awl atam senna Hattuom in khantouna ding adal hi”- **Samuel Kamaleson**

PASIAN INNSUNG DONGTA

- Bishop

Pasian in eite lah ah mit a muthei Inn anei hi. Tami Pasian inn khu ei leitung a um mit a muthei Hattuumte ihi uhi. Tami Pasian inn sung ah nasepna mun awng tamtah a um hi. Tami Pasian inn sunga nasepna khat pou pou sem dingte khu mi piangtha, mi ginum, michitah, mi nunnem, sumdu lou, neh le dawn, tep le muom a siengthou leh lungsim siengthou mi ahi ding uh ahi. (Gal. 5: 22-25).

Tambang ahiziehin, Pasian inn sung a nasep poimaw tahtah semte khu PASIAN INNSUNG DONGTA ahi mai uhi. Tami Pasian Innsung Dongta a pang ut leh sem nuom miten, a inn neipa Pasian hatna aw (Calling) azah ngei ngei ding u'khu kul le poimaw pen ahi hi. Tuabanga Pasian in Ama innsung a nasepna poimaw tah nei ding a hatna aw, (calling) abawl te khu Pastorte ahi hi. Ken Pasian hatna aw ka za ngel ngel na hi chia PASIAN innsunga nasem dinga hing kipe khie leh kipan dohte khu PASTOR te ahi uhi. Kumpi nasepna

ahiei, sum le pai suitheina, neh le tah suitheina lampi tuom tuom te taisan a, tami THU NASEP sem dinga adamsung a sildang lunggul nonlou dinga ahinna pekhie a PASIAN INNSUNGA nasem dinga hing kipie khete khu Pastorte ahi uhi. Bangteng hileh, hatna aw zakha zousie zong khu Pastor in apang kim thei tuom sam sih uhi. Tuachiin, i hattuum a Pastor a hing pang te khu PASIAN THU gen dinga guot ahitah ziehun, ama uh te khu THU NASEM ahi mai uhi. Tua ahiziehin, Pastorte khu THU NASEM zong akichi hi. *“Tuachiin sawmleni ten*

“Mittawten nang ang mutheilouna umsun ahileh, itna lungtang leh na silbawl ahi”- **Corie Tenboom**

nuazui mipite ahan khawm ua, ‘Pasian thugen tawpsan a, neh-le-tah ka sai uh adih sih ding hi. Tuaziehin unaute aw, na lah ua Hagau Siengthou leh pilna adim, mi min hoi ngen sagi tel unlen, amaute tam nna sem dinga ka guot theina dingun, achi uhi. Koute pen thum leh thu nasem in ka um zom den zaw ding uhi” achi uhi (Nasepte 6:2-4). Tambang ahiziehin, Pastor te khu THU NASEM dinga um aki hi mai hi.

Tuaban ah a inn neipa PA PASIAN in Ama innsung kem leh enkol dinga muongtah a ahing angansiate khu Pastorte mama ahi uhi. Tuachiengin, tami Pasian innsung khu kisuhtah leh feltah a, a asia-ahapha umlou a, hagau leh tahsa a Hattuom mipiten tan kikim a itan theina ding ua, Pasian zauna lientah toh vai hing hawmpieh ding leh TANUPI nasep hing seppieh ding mi aup ding khu kul le

poimaw mama khat ahing suoh hi. Tami innsung ah, gim le tawl khohasalou a, sun le zan a, akul le poimaw dan zil a, gilkiel dangtah khosah lou a, nasem, halaw sang zong hilou a, Tanupi a hing pansah khu i Hattuom UPATE ahi uhi.

Tulai in, Pastorte leh Hattuom Uplate Ordination lah dan/tandan kibang ahi chia gen mi khenkhat zong ilah uah aum uhi. Tami toh kisai in, Pasian Innsung a ina sepna uah, dinmunkibanglou leh nasep kibanglou ahi lel hi (*Positional difference and functional difference* ahi lel hi). Tam khu, itheikhel zieh ua igen uh ahi bou hi. Pastorte leh Hattuom Uplate Ordination piehdan kibang lou ahi. Aziehpén, Hattuom Upaten Ordination alah chiengun, akep ding uh ama umna local Hattuom kem leh enkawl dinga khumi Hattuom min ngel ngel toh Ordination alah khawm jel

“Gam leh Nam kingahna suongphum khu, gamsung a Khanglaite khoukhahna ahi”- **Diogenes**

uh ahi bou hi. Pastor te a khu khum bang ahi sih hi. Ministerial Services zousie khu Pastorte (Siempite) bawl ding ahia, akithuopi ding khu Upate ahi uhi. Tampen a Inn neipa Pasian in Ama deidan a, aguoltuoh ahi a, mihing bawltawm ahi sih hi.

Lamkai lui Mosi in sepna mun ni anei a, khumte khu SIAMPU hina leh ZAWLNEI hina ahi. Mosi in Siampu nna asepnah toh kizui in Thu Nasep asem hi. A kam a Pasian min lou in ahan a, akhut tegel adoptou a, azahtou chiengin, Pasian in apanpi hi. A tahsa kum atam sim tahziehin, sawtveipi ading zou tasih a, akhut zong ahing kha ngetngut ta hi. Mosi khu Gim le tawl a ahing up tah chiengin, agei tuoh a um Aaron leh Hur in panpina ahing bawl uhi. Tami hun laitahin Aaron leh Hur in Upa nasep ahing sem ua, Mosi apan pi uhi. Mosi pen gim taseng in, ding zou

non lou ahi chiengin, Aaron leh Hur in atouna ding suong khat ahing dawpieh uhi. A khuttegél dom jou nonlou ahi chiengin, alang khat tuoh ahing dop sah uhi. Tuachia Mosi in THU NASEP asepnah ah, Aaron leh Hur in Hattuom UPA NASEP dingte ahing sem ua, Joshua leh alawmte'n, TANUGUOL te nasep dingte ahing sep zieh un, khumi khu in Pasian akipahsah mama a, galzawna loupitah ahing tang thei ta uhi. Anuoí a Laisiangthou Bung leh Tang khu hoitah nou in sim in.

“Tuachiin Mosi in akung a agen bangin Joshua in a bawla, Amalek ava douta hi. Tualeh Mosi Aaron leh Hur muolvum ah akaltou uhi. Tualeh hi ahing hi a, Mosi in akhut adop sang chiengin Israelin azou a, a khut a ngiem sah chiengin Amalek in a zou hi. Hinanleh Mosi khut ahing gih a tuachi'n suong ala ua, anuoí ah

“Numeite thupi: atheiliai leh pasal nei. Pasalte thupina pen ahitheí liei sungtung zi neilou a um ahi”- **G. B. Show**

akoi ua, atungah a tousah uhi, tualeh Aaron leh Hur in akhut adoptou pieh ua, khat lam pang ah khat ale lampang ah khat; tuachi'n, nitum dongin akhutte pialou in a umta hi. Tuachi'n, Joshua in Amalek leh a mite namsau hiem in a zouta hi" (Pawtdohna 17:10-15). Tami khu tunia eiten i etton ding leh izui dinguh Lai-siengthou tangthu ahi.

Inn dongta te kizepna ding (uniform). SHI SAH DING, KOIMANG DING, SIL DING.

Tami Pasion Inn sung a innsung dongta apang dingte khu'n, atahsa tungua aumsah vot lou ding uh, lungsim lunggel azong anei votlou ding uh leh amau mihinna a ashisah ding uh aum hi. Tamna, shisah ding kichite shisah lou a, amau tahsa a ahin teitei ule pen, khumipa or khuminu khu Pasion inndongtate lah ah melmapa Setan vanzah ahing suoh mai uhi. Hattumte Hagaulam

kalsangtoinate ah asuhbuaitu leh a nangtu in apang zel ding uhi. Tambangte khun hattuum a it zieh ua agimna te uh leh asepkhiehte uh bou agen gen ding uhi.

SHISAH ding (put to death) ichite khu tamte ahi: "Tuaziehin na tahsa hieng uh leitunga umte sulum un, huasannate, sienthoulounate, ki etlanate, utna giloute leh huaihamnate, huaihamna khu milim bieha ahi" (**Kolossa 3:5**). Tam atunga i Lai-siengthou in agenteng in ahuap khu tam anuoia te ahi:

"Tualeh alungsim ua Pasion athei utlou ziehun Pasion in sil kilawmloute bawl dingin adeilou lam lungsim nei phal in ahazanta hi. Dihtatlouna zousie, hua a lanna zousie, gitlouna zousie, du amna zousie, kimudana zousie a dim in, thangsietnate, tuolthanate, kihaunate

"Hepina panglou in na pe thei a, hinanleh na pieh lou leh hepina tahtah thei sihvate"- **Amy Carmichael**

kisolnate, mi sietna ding ngaituonate in adim ua, nu leh pa thumangloute thudap gen hatte, Pasian mudate, misimmaw hatte, kiliensahte, kithuneisahte, silgilou pandoh mite, nu leh pa thumangloute; Theisiamna neiloute, muonhuoina beite, itna beite, ngaidamna neilou leh hepina neiloute ahi uhi: Tambang sil bawlte shitah mawng ahi u chi leh Pasian thukhenna dih ahi chi theinapi in ama uh bawl guoh zong hilouin midang tambang bawlte zong akipahpi uhi” (Rom 1:28-32). “...angkawmna, kingaina, thanghuaina, sienthounlouna, numei pasal kaal a pahtatna, milimbiehna, bumna, kimudana, kihauna, thangsietna, lungthahna, kilangbawlina, huaihamna, kiselna, gintuomna; deigawna, tuolthana, zukhamna, uaongtatna leh tambang gamtatna

dangdangte ahi, tambang a um miten Psian gam aluo sih ding uhi” (Galatia 5:19-21).

KOI MANG UN (*Put off*)
Kolosa 3: 8. Hinanleh tuin vang tam silte zousie, lungthahna, thangpaina, aselam a kideisahna, kigensitetna, ham giloute na kam ua pat koimang un.

SIL UN (*clothe yourself*).
Kolosa 3: 12. Tuaziehin Pasian mitel, misiengthou leh deitahte, bangin lainatna, nunnemna, kingaingingmna, lungnemna leh thuohhatnate sil un.

Tuachiin, i suhlup ding, itha lup dingte lah thatlum lou, ikoimang dingte lah koimang lou leh i sil dingte lah sil utlou pum pum a, eima mimal agenda puohlutna ding leh Pasian Leenggam sanga eima mimal leenggam kehlet utna zieh a, A siengthou PASIAN INNSUNGA nasepna nei a Ordination tang ihi khah leh azau huoi mama ding hi. ■

“Na lungsim a dih a na theite khu bawl sawm inlen, gensietna na tua ding kithei inlen, hangsan in” - **Eleanor Roosevelt**

KHRISTIANTE LEH TATTOO

(Christian & Tattoo)

- Pastor Dr M. Thangboi Zou

THUMAPUI: Tulai leitunga Tattoo kichi ahing minthang mama hi. Mi tampite'n Tattoo tahsa tunga mun tuomtuom ah asun ua, tamtahin a kiletsahpi laiun, tamtahte'n lah zumna gelin abawl uh akisia ua, suhmang ding deiin sum tampi aseng loh uhi. Celebrities thupi mama ten Tattoo a thansah zieh ua, ei Khristian khanglaite'n Tattoo ithangsah ua, tami khu Khristian khanglaite chin ding mawng ana diei? Tami toh kisai Laibu tuomtuom leh Internet tungtawn in tamna isutkhawm ding uhi, khumte ahileh:

1. TATTOO KICHI BANG ADIEI?: Tattoo kichi ei Zoukam in agen dingdan a um tuonsih a, mihing tahsa tunga mangthei nonlou thu ahiei milim ahiei gel chi ding ahimai hi. Phin khu Tattoo gelnā vanzat ahia, mihing Vun (skin) a suhke ua, tuanah Pigment khel dingin rong (colour) a thunkhum uhi. Ahing dam chiengin a thaikēh na lim zul zui in rong in, milim, sillim, thuguol, Kross lim mang thei nonlou din ahing kibawl khia hi.

2. A HING KIPAT KHIET DAN: Tattoo ichi khu Gingloute Dawi-le-Kau biehnā apan hing kipan khie ahi hi. **Michelle Delio** in a Laibu gel ***Tattoo: The Exotic Art of Skin Decoration, p. 73*** na sunga, “*Tattoo kichipen Khutlam-ente Tawndan ahia, tualeh tami khu Siampu te (Priest) Thakhel a kizang (Represent) ahi*” chin anagen hi. Tualeh **Laibu** khat in “*Tattoo: The Cup of Devil*” achi top mai a, tualeh adang khat in, “*The Tattoo Greatest Enemy...*

“Silhoi bawl zie a mi simmaw a um khu, silhoilou bawl a mite patat sangin a hoizaw hi” - **Roy B. Zuck**

The Lord Jesus Christ" chin anagen kie hi. Tam Tattoo kichi khu Nidanglai (Neolithic Age) hunlai akipan in Nam tuomtuom ten Tawndan (Culture) in anazang ua, azatna tangpi uh ahileh Dawi-le-Kau Biehnna anazang uah, tuabang ah nazang gamte ahileh: Japan gam a Ainu Namte, North Africa gam a Berbers namte, New Zealand gam a Māori namte, Nigeria gam a Hausa namte leh Kurdish Tribes leh adang dangte ahi uhi. Khuleh South America leh Asia simlam (Northern part) gam a teng nam tuomtuom ten tahsa tunga Tattoo gelpen masanglai akipat ana uangbawl mama uhi. Amauten ana bawlana san uh ahileh Hagaulam a khovel toh kihoutuohna ding leh Dawi-le-kau akipat kihumbit/ kiveng bitna din ana zang uhi, chin akisui khie hi.

Kum hingpei zelin Kum Zabi 16 (16th Century) laivel in,

Europe gam a Tembaw tawl (Sailors) pawl khat in, Pacific Ocean gammang tuomtuom (Polynesia) atotkha lai ua kipan khie hidan in ana gen/ nathei uhi. Polynesian Gammang a Nam mawlten a Sakhuo uh pibawl nadie anazat uh Tattoo pen, Tembaw tawlten (Sailors) lasawn un, **Samoa** Haam a "Tatau" kichipat hing lasawn un Tattoo ahingki chi khie ahi hi. Samoa's te haam a Pasal Tattoo (Male Tattoo) ichi khu **Pe'o** ahia, tualeh Numei Tattoo (Female Tattoo) khu **Malu** achi uhi. Tuana kipansa hing kila khie hidia gingtat ahi hi.

3. TATTOO BAWLNA DIA VANZATTE:

Nidanglai a Nam mawlten akiim apam ua louhing akipan Lou (Medicine) ana siem khie ua, tukhang a Tattoo bawlana die (gelna die) vanzatte ahileh: Metallic Salts, Oxides, Sulphades, Selenides, Organic Dyes,

"Pasian thuneina khu leitung pumpi a kitheza hen ana chi hi" -
Craig S. Keener

Plastic leh sil dangdangte anazang uhi, chin akisui khie hi. **FDA** ten Tattoo gelna die kizang vangzat amukhiette uh khu: Chemical khat poupou leh Mutaginic (Tahsa utdan a khel thei), Teratogenic (Piensuolna tun thei), leh Carcinogenic (Cancer natna tun thei) ahia, khuleh tahsa tunga sawtpi aum theina dingin Bio-Chemical reaction pang ahiman in, mi koi inzong Tattoo agelpen asuhbei nadin kum tampi lut ahidan amukhie uhi. Tambang sil chizat huoi siemkhie Lou bawltu Company 9 te tunga hehna bawl ahita hi.

4. TATTOO KIZATDAN TANGPITE: Kum 1870 laivel in, Kidouna Sepaite leh Thong tangte (Jailers) chiemtenan anazang uhi. Tualeh khenkhatten Itna lam toh kisai leh lungkhamna leh sil poimawh asateh uh chiemtenan anazang uhi. Kum 1990 vel akipan

khangthate kung ah ahing kithang mama a, thamlou in Fashion dan in ahingpei tamai hi. 21st Century a khangthate lah a tamin mun poimawh zousie aluohdim tahi. Tualeh kum 2006 in **Journal of the American Academy of Dermatology** in asuikhiet dan in US gamsung a khanglai Kum 18-29 lah a 36%, Kum 30-40 lah a 24% leh Kum 41-51n kikal lah a 15% ten Tattoo nei uh ahidan amukhie hi.

5. TATTOO KIBAWL NASAN: Ronald Scutt in Survey ana bawlana ah amukhiet pen, **Laibu Art, Sex and Symbol, 1974. p. 13** na sung ah, Miten bang zie Tattoo abawl uh adiei? chi amukhietdan tam bangin ana giel khie hi. Khumte ahileh:

- a) Vangam a mun taan na ding,
- b) Hagau hoilou in shi chia deisahna atansa nading,
- c) Nidanglai (Pi-le-Pute hunlai) Biehna a Milim

“Lemna, muanna, kilemna leh kiheng lamgdangna hing tung hen nachi uhi”- **NT Wright**

kigielna chiemtena
akizangpen, tuana pan
hagau lam adeisahna tan
nading, chileh

- d) Thanghuoi tah a ki-et
lahna a zatna dia, chin ana
zang uhi, chin agen hi.

6. TATTOO IN DAMTHEINA SUKHA AHIDAN:

Mi minthang te Professional
Tattooist ten atahsa tunga
Tattoo agelchiengun avanzatte
uh khatvei kaan azang sih
ua, nanleh Professional
Tattooist louten pilvan lou
nazien vanzatte azangkawm
ua, tuachin tam bang tahsa
tunga Natna hit akimu thei hi,
khumte ahileh: *Herpes bang,*

Tetanus bang, TB bang,
Hepatitis B, C bang, Staph
leh HIV/AIDS tanbang atun
thei hi, akichi hi. Tambang
natna zauhuoite zieh hingei
van American Association of
Blood Banks in Tattoo neite
pen Kum khat sung Sisan
pedin (Donate) phallou uhi.
Tattoo nei ziehin Mi minthang
mama Pamela Anderson
khu Hepatitis natna anei loh
hi. Tualeh Vunlam siemten
Tattoo akipan kilawhson thei
natna amukhiette uh ahileh:
Psoriasis, Dermatitis, Tahsa
Chibaw leh adang dang
natna tampi tun thei ahidan
amukhie uhi.

Aban Ha kia chia sunzawm vai... ▀

THUMNA A THEI DING:

- i) Central Church MELC saina nuoi ah ahing tung ding
Date 8 to 12th October sung teng **KHANGLAI**
HUNDAMNA Camp nei ding uhi.
- ii) MELC Delhi saina in ahing tung ding **Date 7 to 10th**
October sung teng **VBS** nei ding uhi. Speker ding in
Pastor Tongminthang Haokip pang ding ahi.

Lawchingtah a zat ahi theina din thumpi chiet vai.

“Thumanna leh Siengthouna khu gingtute lungsim/lungtang a
hing kipan ahi ana chi hi”- **John Stott**

JABEZ THUMNA

(The Prayer of Jabez)

- Dr. S. Thangboi Zou

Contributing Editor, Khristian Tangkou

JABEZ min umzie: 1 Khangthute 4:9-10 ah Jabez kichi Israel mikhat thumna kamteng kimu hi. Jabez in Israel Pasian kunga athumna khu Bible sunga thumnate lah ah chiemte tham khat ahi. Amasapen in Jabez min umzie en vai. ‘Jabez’ kichi laimal Hebrew ham ahia, a umzie (meaning) ahileh natna ahisihleh lunggimna (sorrow) china ahi. Apienna anu in Jabez khu apien lai-in ana gimpi mama hi, tuami manghil theilou in amin ding in Jabez (gimna/natna) chi’n phuosah hial hi. Tulai in eilah ah zong nu khen khatten ata khenkhat anei lai in ana gimpi diah te khu alet todong in apien lai a agimpidante gengen nalai uhi.

Mi Zatathuoi (honourable Man): Tambang a min ngailoutah mai ananei nanleh, Jabez pen Bible ah mi zatathuoi in kichiemte hi. Khangthute laibu bung isim chiah khangthu in dim a chimhuoi phial hi. Hinanleh Jabez tanchin akal a kizep telpen hing kigensau deu hi. Bangzieh in? Israel nam a dia gal lienpi asat a, ana jaw zieh

kichilou a, anam a dia suongphum thupitah ana phum zieh zong hilou, humpi bahnei ana mat zieh in, chi zong ana hi tuonlou in, Pasian kunga THUMNA ana nei zieh in, kichi hi. Thumna khat zieh a khangthu-a chiemte tham ana ching ahi.

Jabez Thumnate:

i) Na Hing Guolzawl

“Tattoo kichipen Khutlam-ente Tondan ahia, tualedh tami khu Siampu te (Priest) Thakhel a kizang (Represent) ahi” - **Michelle Delio.**

ding a (*That You would bless me indeed*): Pasian kungah aguolzawl na ngen himasa lou in, phuut (claimed) hizaw hi. Jabez pu-leh-pa Abraham kung ah Pasian in “Nam thupi in kahing siem ding a, kahing guolzawl ding, nang khu mite guolzawl na hi ding.” chiin anachiem hi. Tuami guolzawl na apupa kung a Pasian in ana chiemsa pen Jabez in phuut hi. Pasian in guolzawl na kichi aguoh in koima kung ah apesih a, mopuohna toh pekhom hi. Aguolzawl mite khu midangte a dia zong guolzawl na ana hi sawn ding adei hi. Midangte a dia giolzawl na (blessing) hi khu guolzawl na phatuom leh gasuo ahi. Methodist thugen Rodney Buchanan in

‘nangma nopsahna ding chauh a guolzawl na nathum leh namu sih ding. Midang saanga pilzotna di mai ahisihleh kipilsahna ding a pilna-theina na nget leh na mu sih ding, ana chi hi. Pasian in I nasep ang guolzawl na zieh khu midangte ihop (share) sawn ding adei zieh ahi. Jabez in lungsim neu lou a, midangte a dia guolzawl na ahithe nading in Pasian kung ah ana thum hi.

ii) Kagam Na hing liensah ding a (*That you would enlarge my territory*): Jabez ahileh Juda nammi lah ah vaihom phung/nam (ruling class) ahiman in, khatvei chieng in khosung, gam kuol vaihawm ding ahi. Tuazieh in mi tampi ateng a, avaihawmna alet theina ding in gam lien ngen hi. A innsung a ding leh a beh

leh phung bawng mai a ding in thuum lou in, agam leh avaihawmna kehlet thei semna ding in vision lienpi nei a, Pasion kung ah tuami ngen hi. Tunin eite zong thumna inei chieng huop zau leh vision lienpi neikom in thum vai. Leader tobang in thum vai. Mihing khat pen leader khat kichi chiet hi, eima mimal kithunun na ah, insung ah, sakhuo ah, khotang ah.

iii) Nakhut in hing umpi hen (*That your hand would be with me*): Tamnah sil -2 muthei in um hi. Khatna ah, asil nget lien mama a, Pasion panpina-khut lou ngal a mujou ding guol hilou hi. Tulai in eiten zong sil idei ingai ahivanga 'kei a dingin lien seng' chia inget ngamlou a um ei? Ngen ngam vai. Jabez in zong ngen ngam a, amujouna dingin Pasion kung ah panpina ngen hi. Nina ah, Jabez silnget

lien mama a, mujou taleh Pasion amanghil law khah ding jau in kiveng hi. Azienpen guolzawlina khu zatkhiel thei ahi. Genthei lai a Pasion kung a thum thum in, ang nopsah/hausat/lochinsah chieng a Pasion manghil, chi um thei talua hi. Leng David ngel zong anopsah phet in ana puosie hi. Pasion somakhat zong atawm lai in pieh nop nanleh atam chieng in pieh hasa kisa khathei veve hi. Tuazieh in Jabez in aloching chienga Pasion in a umpi zing ding adeina khu athumna point 4na ah gen kia hi.

iv) Sietna pan hing veng in, Natna/gimna katun sahlouna ding in (*Keep me from evil, that I may not cause pain*): Tamna 'Natna' umjie khu, Jabez in apienkhiet in anu a dingin natna gen guollou ana tung sah hi, chi manghil lou hi. Pasion guolzawlina

“Khelna na tha sih leh, khelna in nang ahing that ding hi”- **David Brown**

atangzou chieng a, apienlai banga koima tunga natna/gimna atun nonlouna ding in, thu ngen hi. Pasion guolzawlina tang nanleh Pasion in akeppi lou ahileh Setan vanzat suoh thei ding in, tuahunchieng in ama, midang leh Pasion ngei a dingin Natna (Sorrow) suoh thei kia ahi, chi thei in thungetdan pilvang mama hi. Hinkhuo a ihing lochin zou chieng in ang petu Mangpa kitheimobawl in, khovel peidan dihlou inasahte toh kijuishuh pai leh pomsuh pai in nehgu-tahguh, misol, zuou gen, neh-leh-dawn, tep-leh-muom te khohsahna kinei tawm kha jel hi. Khanglaite bang insung apat gamtuom a iva um leh amun zilh a vakhosa, va um suh pai, va bawl suh pai in innlam a ihinkhuo siengthou teng vaki buosah pai mawh mawh khajel hi.

Jabez in Pasion lungtang natna a pankhah ding jau

mama hi. Bible in ‘Khelna in Pasion lungtang nasah mama hi’, chi hi (Gen 6:5-6). Tuajieh in Mangpa Jesun zong anuajuite kung ah thumding dan ana hil hi: “*Solna apat hing hundam in*” chi in (Mt. 6:13).

Jabez Thumna apat zilkhiet ding:

- a) I khanggui bangchi in hoi in sia lehzong Pasion Itna thei ding ahi, azjiehpen Pasion in bolpha thei hi. I background bang chibang in sia nanleh Paisan guolzawlina nget ding ahi.
- b) Pasion apat sil neunou hilou in sil lienpi nget ding a del ding ahi. William Carey thugen en vai, Pasion apat sil lienpi lam et in len, Pasion a ding in sil lienpi zong bawl sawm in.
- c) Pasion guolzawlina imu a ilochin chieng in

“Kei pen Tuipi a sil tampi mukhiet nailou a uplai a, tuipi pieu a naupang suong neute tomkhawm toh kibang lel kahi” - **Sir Isaac Newton**

ahing pepa manghil lou ding, tua leh midangte panpitu leh midangte adia guolzawl na hiding ahi.

Tahsa damtheina lam

HEART ATTACK HING KIPAT KHIETDAN

Ha khat masang inzong kilang thei hi.

Tam Article ahileh “Times of India” akipat hing kila khie ahi man in, lekhietdan afuh simlou leh simtute na theisiemna uh kang ngen masa hi.

Heart Attack, Lungphu khawl ichi mai uh lungtang (heart) a sisan petu (supply) a khawl zieh a um ahi a, kisah kholdan ding chi zong umlou thakhat a um thei mai ahi. Tuabang ahilai in, misieme suichetna aneina uah Heart Attack 50% val ah heart attack anei ma un warning sign anei khawl uh chi ahi.

Case khenkhat ah heart attack a nei ma uh ha khat val bang warning sign hing kilang khe zel a, tuazieh in tam warning sign te i ngaiven apoimaw a, a hun tah a doctor nai nachang te i theileh i hinna uh i humbit thei mama ding hi.

Harvard Medical School-in heart attack neisa numei 500 val survey a neina uah 95% ten a warning sign ha khat malam a ana neijou uh ahidan mukhia ua, tuabang a warning sign latkhiet dan leh a kilat hun zong a mihing atuom dungzui in kibanglou in lamdang thei hi.

Tam survey a kipan a mukhiette uh lah a heart attack warning sign kithang pen khu “*taksa tawl dem dum*” hi a, tua ahileh heart attack dam khia survey a neina ua 71%-in a tua uh ahi. Tawl dem dum/nguingui kichi khu tahsalam a tawl ban ah lungsim lam ngui

“Bangma nasem khe theisih ding achi zousiete thugen ngaikhe vawtsin, tuate’n hing thuzaw ngaisih hen”- **Douglas Bader**

chite zong nei thei uhi. Niteng a i silbawl zel, kisil leh room suhsien gaimai zong gim leh tawlp/ gimp/ mai chite banah, huphul mamate zong hithei hi.

Tam bang a chau/ tawl/ gim mama te lungtang a gimseng zieh a umthei ahi a, lungtang a sisan lut ding dalkha a hileh lungtang in nasa zawsem in pump sawm a, tua in mi suhgim in tawlsah thei hi.

Heart attack warning sign dang khat ahileh awm na (chest pain) leh huidik khamlou/ na hamsam sah un, na hasa chite in zong kilang thei hi. Suichetna tuom tuom ah pasalte sang in numei ten heart attack warning sign nei nasa zaw uh chi ahi, heart attack um ding hing kisahdan tahsa ah hing kilang khe nanleh umden lou in, sipkia/ beikia zel ahiman in, koiman ngaisah senglou in doctorte dotna chang zong

kithei khollou hi.

Tam atung a heart attack um dia warning hing kilatkhiat masa dante, heart attack nei ma deu ahiei, ni khat/ ni ni ahiei, nipi kalkhat ahiei, ha khat malam chite in zong hing kilang khe thei hi.

Tuate bang ah heart attack nei sawm ka hi chi mani a kithei khiat dingdan leh hing sepdan tuomtuom te zong theichien ahoi hi. Awm (chest) hing netkhum bang a um thei, hing tep um bang sim, tahsa gih sah chidan in aum a, ana in a awm akipan a ban (arm) hing zui in, khahu leh ngawng te zuisuh in, nungzang leh gil tanpha in na (pain) thei hi.

Lung-am leh khosa kai, khosa in pum tuam, hui dih khamlou, luosuh leh lua (vomiting) chite zong um ut mama hi. Khenkhatte'n anxiety nei ua, khuh/ hitang pawl zong um uhi. ■

“Bangma tup neilou a lawchin sangin, sil thupitah tup a lawsap ka teelzaw hi”- **Robert H. Schuller**

SERIAL-8

KHRISTIAN INNSUNG NUAM

- Sanhoi Pa

Bible Tangtel: *Hinanleh koipou ama mite a dieh in a innkuon pite a ding ngaituo lou mi khu ginna nuol ahi a, ginglou mi sangin a sezaw hi (1Tim. 5:8).*

Laa khat in, “Innsung nuom khu Vangam naipen ahi” chin lagen a, tami la i na sasa ua, hinanleh mi khen khatten tami La tup bang ahiei chi theilou a sasa hilei akilawm hi. Khristian innsung nuom kichipen nei-le-lam, pilna siemna vang hilou in, Pasion phukhiet, Jesu Khrist tungtawn a kilam innsung khu innsung nuom ahi bou hi. Khristian innsung nuom i hitheina ding pen sildang hilou in Jesu Khrist jal a innsung mite Itna khaugui toh ikithuom chieng hithei pan ding hi. Pasion ka nei hi, ka hagau mi hi kichi a a innsung mite it theilou mi khu’n Pasion nei tahtah lou ahi ding hi. **Sawltah Paul** in, Korinth mite kungah, “*Itna in a thuojou a, adawjou a, akiliensah sih a, alungtha bei sih a, a thangse sih a, ahuoiam sih hi*” (1Kor. 13:4ff) chin ana gen hi.

Mangpa’n ei mikhielte itna ahing nei man in “*A Tapa tangkhat neisu’n Jesu ahing pen gam hi*” (Jn. 3:16). Tuami ziehin Khristian innsung nuom ihi theina ding in “**ITNA**” a kibulphu, akilam innkuon ihi ding uh poimaw mama hi, tuachilou in koima Khristian innsung nuom um theilou hi. Khristian innsung nuom ichite pen, “*Pasion deina bang a*

kilamkhie leh Pasion deina bang alunggul mite kungah atung thei hi”. Pasion pen Itna Pasion ahiman in, a ki-it innkuonte bou khu Khristian innsung nuom hithei ding hi. 1 Peter 3:7 na sung i et chiengin, “*innkuon sunga itna nei hilei, i thumnate bangma in hingdal joulou ding hi*” chin agen hi. Innsung mite iki-it chiengin tua innsung ah

“Anasep lawmhoi a zang a, tuami adia kipumpiate mi khu numsa ahi uhi”- **Dannis J. De Haan**

Pasian lungdam mama ahi man in, Khristian innsung nuom hing piengkhe thei pan hi. Tua ahileh, Bang zieh a nou innsung khu Khristian innsung nuom hitheilou adiei? chi azieh (reason) na theikhe tai mah?

Khristian innsung “*anop na din, alawching thei nading, Pasian guolzawl na itan theina ding, leh Khristian innsung nuom asuothei nadia innsung mite iki-it tuachiet ding uh, ki-itna lou in piengkhe theilou ding hi*” chi avel vel in theilei ka nuom mama hi. Innsung mite ki-it ding ichina pen, Shini chienga, Kaptan zen a ki-itna thu gengen sangin, tua idamlai hun sunga i ki-it zaw ding uh ahibou hi, mi khen khatte adamlai a ki-itlou (mi zousie’n thei) nanleh shinan innsung a vai ahinghawm chienga, dam nalai lechin maw, nadu-nangai teng hing kipenailou a, chia Ka teng lou siem tampite khu atamzaw a innsung mite damlai in tua a ka teng lawte

bawl hileh, shinan innsung ah vai ahinghawm chiengin tuate gengen ngailou hizaw ding hi.

Khristian innsung nuom hina dingah, Hausat masat ngailou, Innkuon a Laisiem teitei ngailou in (Hausatna leh pilna siemna nuom hilou kahi), Pasian thei a itna toh kikem leh ki vaihawmna innsung khu Khristian innsung nuom ahi bou hi, tua ahileh Khristian innsung nuom hina ding A bulpi bang ahiei chi na thei ei? Na thei leh tuami tun nazat sawm ei mah? Pasian na it bangin na innsung mite it in, Pasian toh na kaal na siemhoi zing bangin na innsung mite toh na kaal uh siemtup zing lechin, nang vangin na innsung uh khu Khristian innsung nuom hithei ding hi, midangte pat kheitding ngah sin len, nang a pankhetu hizaw din, simtu zousie Mangpa Pasian in innsung nuom siem nuomna lungtang hingpe chiet taken, Amen. ■

“Gam tuomtuom pangkhawm a silpieng thei umnalaite zat ding-dan geelkhawm ahi sihleh I leitung in Kielpi a tua ding hi”- **Prof. George Borgtrom**

AMERICA CHRISTIAN MIHANG SAN CHARLIE KIRK TANCHIN TOMKIM

- Managing Editor, GT

Tunia atanchin tomkim tah a isut ding uh Pasian mizat hangsan Charlie Kirk ahileh <https://www.facebook.com/groups/192003841615849/> ten September 14, 2025 (TNSR) nia anasuo uh tungtawn a eite zong iphattuompi ua i hinkhuo um nalai teng Pasian a dia mi poimaw leh vanzat itheikhah uleh chia ei Zou Haam a kang lekhieth ahi, achingla leh avalseng a igelkha aum leh Pasian leh simtu zousie kungah na ngaisiemna uh ka hing ngen hi.

Charlie Kirk- ahi leh October 14, 1993 in Chicago khopi gei Arlington Heights ah pieng a, Illinois ah ana khanglien hi. May 2021 in Miss Arizona 2012 hina nala Erika Frantzve toh akiteng hi. Kum 2022 tanu khat anei a, a Tapa May 2024 in a pieng hi. Vangsiet huoitah in September 10, 2025 in (India gam a Ningani in) Utah Valley University campus a University student te lah a thugen dinga kisa lai kap lup in a aum hi. Anuasiasa azi ahileh Erika Frantzve ahileh Christian hoitah ahi

Kirk in pawl ana bawl khieth *‘Turning Point USA’* ahi leh America gam sunga pawl hat mama ahi a. Kirk- in Donald Trump na suport a. Trump policy *“Make America Great Again”* (MAGA) lawchinna bulpi zong ahi.

America Khanglaite leh leitung pumpi a Khristiante ngaisang leh thugen siem, US leh leitung gam tuomtuom a khanglai tampi Khristian sakhuo puiluttu Charlie Kirk Utak University mun a Sangnaupangte kung a thugen ding a kisah lai a kaplup a um

“Mi um maimai sepding bawlding neiloute khu Setan galkap poimawte ahi uhi”- **Unknown Preacher**

in US gam bou hilou in Leitung pumpi a Khristiante sakhuo a, leitung gam teng a Khristian ten asuun mama uhi. Ama shi thu eiham in kigel um nanleh akimzaw deu a giel tutan ka mu lou ziehin atangpi khat ka hing giel hi.

Aman azi toh Pasian apat goutan ta ni anei hi. Kirk ahileh America gam a Khanglaite lah a Pasian hing pieh Nu-le-pa thanguoi tah a kitenna chite deilou ahi. Tam chindan hoilou Pasian thu toh kitua a pan la in, khanglai tampi tam saltanna kipan a hunkhiet sawm hi. Ama ahileh US President Ronald Trump ading in mi pimaw khat ahi. President achin theina ding a khanglai tampi Vote kaitu (conservative right-wing activist) khat ahi. Kirk ahileh kum 31 mi ahia, US Gam ah Pasal bou in Zi anei ding (Gay marriage pomlou china ahi) in Chi suong ding chileh Vun rong (black & White) zieh a kideidanna doutu khat ahi. US Khanglai ten Khristian hina toh Lampi dih azuina ding ua

lampi sieltu ahi a, hun hing peizel ding a US President hi thei dinga mi tamipi kineppi khat zong ahi.

Kirk ahileh naupang nou ahilai akipat Pasian thei/zaumi leh gam-le-nam bolhoi ut mikhat ahi. Kum 18 mi ahi laiin *“Turning Point USA”* chi College campus sung ah ana pankhie hi. Nei kibang kitenna leh kingaite Pasian thu pansan in naoudal a, Pasian deidan ahileh Pasal leh Numei akiten ding khu sildih ahi (promote conservative values) ahi chite ana tangkoupi hi. Tuami ziehin *“Mihing hindan leh deidan doutu”* chin professor ten a ngawh ua, hinanleh Pasian muong in pan alazawm veve hi. Tun Turning point USA kichi pawl (group) ah US Sangnaupang tampi lut zel in College 385 sung ah tam pawl aphut khe tahi. **Atuppen** ahileh, *“Khanglaite Pasian deidan toh kitua a mihing hina dihtah hindan dih (conservative principle) zui ding”* chi ahi. Utah State University ah Kirk Vaiguon

“Leitungl eh Hattuum hoina ding in innkuon hoi ipoimaw ua, innsung ahoi leh hattuum leh leitung zong ahoi ahi”- **Rev. John Scot**

doudalna nasa mama mai hi. Online tungtawn in na vaiguon suhtawp (cancel) ding leh thugenna neilou ding a vauna (warning) mu nanleh apeipi zawm a, thugenna nei masang in kaplup in aum hi.

US President Ronald Trump in Kirk kaplup a um chithu aza in thangpai mama mei a, America in politics ah mielna tuo lel nanleh ka guolzou veve ding. Na hing zou sih ding uh achi hi. Kirk in Pasian a ginna dih anei a, tam dan hun tung ah Pasian kung ah atawldam ta chi hamsa nanleh pawm mei angai achi hi. President Trump in Butlet, Pennsylvania a ama tha sawm Radical Left party te mohpai hi. Free Speech, a United States values. Charlie Kirk in Gam leh Pasian a ding a mihing san leh midih leh mi mantam, US Democracy a ding leh Charlie Kirk zi leh atate a ding mi thupi kappu hinanleh Kirk dihna leeh hangsanna leh athupina koiman leitung bei dongin kaplum thei sih ding hi, achi hi.

Conservative activist Charlie

Kirk Utah University campus a Left-Wing Liberal, Tyler Robinson (kum 22) in akaplut thu in leitung aluosua ngal a, leitung pumpi ah Khristian te mittui aluong hi. Charlie Kirk ittna tutan in abei thei naisih, Tyler in Kirk athazou in apa kung ah a kiphongkhie a, apan atapa gitlouna im lou in thuneite (police) khut ah vapekhie hi.

Kirk ahileh Gintu muonhuoi ahia, USA gam khu Khristian gam ahi. Khristian ginna pansan a USA tunding ahi. Europe gamte ah Khristian hina taisan atam zieh in apuosie lel chin gen hi. Ama nasep hoi ziehin USA gam ah khanglaite Khristian a kipe tha atam mama laitah a shi ahi. Kirk in Khristian nna asepa khu Jesu Khrist kunga hagau mangthaite pulut ahi chin agen hi. Leitung a mi tampi ten JESU a ding a martyr ahi chi uhi. Kirk in South Korea, UK, New Zealand leh gam tampi ah Khristian ten a suunna hun zang uhi. Alamdang khat ahileh ashinia kipan a sisan

“Na innkuon kingahna uh Mangpa Jesu ahi sihleh dachieng ham-satna huipi in ang mutchieng in na dingdet zou sih ding uhi” - **Dr Billy Graham**

in thugen ahi ding a, US gam a LGBTQte, Atheistte lah ah Khristian a kipia mi tampi aum ta uhi. Charlie Kirk shita ma nanleh ashi nua in ama a ding a mi ginum Pasian in zang nalai ahi ding hi.

Kirk zi ahileh Khristian hoitah ahi a, Ministry leader Catholic hattuom a khanglian ahi. Notre Preparatory High School Scottsdale, Arizon ah baptima na tang hi. Aman merchandise nei in avan zuoh Puon khat akhoh chiengin khat homeless te kung ah Pasian nasepna in va pe zel hi. Eerika in apasal Charlie Kirk shinua a thugenna ah, *“ka pasal kaplup hinanleh Charlie aw ashi sih ding chin agen hi.”* Tam thu agen akipan social media sites tuomttuom ah ni 3 sung in millions of followers neibe hi. Kirk main Instagram account 3.5 million followers anei be a, Kirk podcast’s TikTok account ah 1.5 million kibelas hi, Kirk main Facebookpage ah 2.3 million in followers pung a, YouTupe, Kirk primary channel ah 4.5

million subscribers in pun be hi. Kaplup ahi ma in 3.8 million vel nei a, ashi nin 13 million valta hi.

Erika in apasal nasep ngai poimaw in TPUSA ahileh Kirk zi Erika in apasal luong tung mama ah ngeina bang in apei ding chi hi. TPUSA ahileh June 5, 2012 kum a Kirk leh Bill Montgomery ten ana pat uh, non-profit Organisation, Khristian right peipi tu ahi. Leitung pumpi huom in Student Action Summit, Young Women’s Leadership, Young Black Leadership summit & America Fest chite vaiguon neizel uhi.

Charlie Kirk vuina vaiguon zatna ding mun ahileh Arizona Football stadium hi ding hi. Kirk ahileh amuon Pasian in ashinua in zong tawisang hi. US in American mi thupi teltuom te hun nukhie azatpi na ding un Arizona Football studium ana zang zing uhi. *“The Celebration of Life, Building a Legacy, Remembering Charlie Kirk will take place on Sunday,*

“Na innsung ah kipah in, mundang a limna leh kipahna khu abukim sih a, innsung a limna leh kipahna bouk hu sil loupe ahi”-
Samuel Johnson

September 21st at State Farm Stadium in Glendale, Arizona.”

Charlie hun nukhie zatna ding mun ahileh mipi 73,000 tat theine ahi. Kirk kivuini chiengin US President Ronald Trupm zong vapang ding ahidan agen a, tuaban ah leitung pumpi a mihausa pen Elon Musk zong pang ding, Elon Musk in Charlie Kirk Bronze Statue bawlana na ding in US Sum 2.5 million tuading (donated) ding ahidan zong phuon hi. Tualeh WhatsApp tuomtuom a akimu dan in

Elon Mush in Charlie Kirk tate siemzilna zousie zong seng ding ahidan agenna zong mun tampi ah mu thei in aum hi. Chalie kivui ni in azi Erika in “*Pasian leh mipite masang ah, ka pasal hing thasapa **Tyler Robinson** ka ngaidam hi, aziehpén Jesu Khrist hing thupia zui kahi*” chin aphuong khie hi. Charlei Kirk zi thupi e moh? Ei hilei bangza sum ilieusah ding uai? Khristian dihtah ichi khu tami ahi, Bible in, “*Na melmate uh it un, ahing bawlsete ngaidam un*” chi zui tahtah ma ahi. ■

HA CHIN A KUM THUPI HILCHETNA

- Retd. Rev Dr Hangminthang, Former Bishop

DECEMBER HA:

Thupi: Pasian gam khu mihingte ahi.

1 Kor. 6: 19, “*Na tahsa pumpi uh, na sung ua um, Pasian akipat a na mu Hagau Siengthou inn ahia; nouma ua na hisih uh, chi theilou nahi uoi mah? Aziehpén, man a lei na hita uhi. Tuazieh in na tahsapum uleh na hagau un Pasian paahtawi un, khumte Pasian a ahi.*”

1. 2 Kor. 6: 16. Noute Pasian Hing Biehinn nahi uhi. Pasian in:
= ama uoh ka teeng diing

“Inn pen siemna zilna mun hoipen leh poimaw pen ahi”- **Miss Lynch**

= amaute lah ah ka vah diing,
 = a Pasion uh ka hi diing
 = amau-ute zong ka mite ahi diing uh,

2. 2 Kor. 6: 17-18: Ginglou mite apat kituom koina ahi:

= a lah ua pat hing pawtdoh un,
 = a tuom in um un,
 = a sienglou mawngmawng tham sih un,
 = noute adiingin na Pa uh ka hi diinga,
 = noute zong Ka tapa leh ka tanute na hi diing uhi. Mangpa bangkim bawlthei in achi hi.

3. Kihylna 21: 3 Van akipat aw ngaitah khat in: *“Ngaivawi Pasion biehbuh khu mihingte lah ah aum tahi. Ama (Jesu) a lah uoh a teeng diinga, ama-ute khu a mite ahi diing ua; a Pasion mama in amau-ute aumpi diing hi.”*

Tana *“Pasion Biehbuh”* chi khu Pasion umpina (presence of God) genna ahi. Pasion gam khu Pasion umna mun ahi. ▀

MELC INNSUNG THU

1. SANGAKOT DIVISION IN “NUTE LEH PATE CAMP-2025 NEI”: Apeisa Nisim 4th to 7th September sung teng Sangaikot Division MELC saina in Sangakot MELC biehbuh ah “Nu leh Pate Camp-2025” anei uhi. Tuanah Pasion thutah gen in Evan. Upa Lianding Guite apang hi. Thupi in “Na Innsung umding dan suh tup in” (2Khang. 20: 1.c).

Date 4th September nita in, Camp honna Rev. Ph Nangkhanlal anei hi. Upa Chinkhothang, Joint Secretary in conduct hina la in in, Upa Khaizagin, Vice Chairman in Vaidawn thugenna leh kipulahna anei, Pro Pastor Langzungthang, Camp Director in Camp sung a dia poimaw umte kijasahna nei zou in, Upa Chinminlunlal, Local Chairman in thumna nei in, Camp vaiguon pat ahita hi. Tualeh Date 7th September nita in Camp khahna Evan. Thangneu in Conduct hina la in, Nu Kangnu, Chairperson Division ELWA in Hunpat thumna nei in, Camper Nute leh Pate, tualeh Camp Directorpa akipan tomkim thugenna nei

“Naupang khu Haichi ahi” - **Mrs Manpal**

ahi zou in Upa Hangmuanlian, Chairman in nuomthu genna nei a, Rev Ph Nangkhanlal DS, in Camp khahna nei in, Pasian zal in lawchingtan in vaiguon zousieng ta uhi.

2. MELC IN SELF PROJECT-III HONNA NEI: Apeeisa Nisim 5th September in MELC inn tena nuoi ah, Martin Luther Hall ah, “SELF PROJECT-III” honna vaiguon nei ahi. Tam hun ah Rt. Rev Khup Do Khen, Bishop in Ribbon Cutting abawl zaw in, Rev Chandran Paul Martin in Pasian kungah alatna nei hi.

Vaiguon tangpi ahileh: Pa Francis Neilian DEO/Member, PMC in Conduct hina ala a, Rev Kamminthang DM & E in Hunpat Thumna nei hi. Vaidawn thugenna Upa S. Zamzalam, Moderator MELC in anei zaw in, Project pulahna Upa S. Zamkhanpau, Project Coordinator MELC in anei hi. Thugenna (i) Bishop (ii) Rev Chandran Paul Martin, tuazou in Nuomthu genna Upa GL. Tungnung, Dy Moderator in aneizaw in Rev Dr S.K. Manlun DS/LWD thumna nei in vaiguon zaw ahi.

Vaiguon zaw in Lamkaite leh Rev Chandran Paul Martin in Project toh kisai a vehna (visit) abawlte ahileh (i) Salbung RC, Bliss International School (ii) SHGS-Successful Story Sangaikot Block, Trainees-Tongdam Institute (iii) Zomi Colony SHG, Hiangzou SHG ahi hi.

3. BEHIANG DIVISION ELWA TEN ANN-NGAWL THUMNA NEI: Apeeisa Nisim 6th September in Behiang Division ELWA saiina in Tonjang MELC mun ah Ann-gawl thumkhawmna vaiguon lawching tah in zang uhi.

4. ZOU HOLY BIBLE TRNSTATION COMMITTEE TEN SILVER JUBILEE ZANG: Apeeisa Nism 16th September ni’n “Zou Holy Bible Translation Committee Kum 25 chinna SILVER JUBILEE (2000-2025)” in ZPCS Compound mun ah Jubilee vaiguon zat ahi.

Vaiguon tangpi ahileh Chairman/ Secretary ZHBTC ten Puitu hina la in, Jubilee Suong, Rev Dr Hangpi Manlun, V/Chairman-cum Sr Executive Secretary ZPSC in anei a, Jubilee Suong Pasian kung a latna The Rt Rev Khup Do Khen, Bishop MELC in anei zaw in, Jubilee Souvenir honna leh latna Rev P. Kamzang, Executive Director ZCBC in aneizaw in, Retd. Rev Stephen Chinzathang in Secretary report aneizaw in, ZHBTC Lamkai lui ana muolliem sahte suunna Upa S. Zamzalam, Moderator MELC in aneizaw in Upa GL Tungnung Chairman ZHBTC in anei a, Jubilee Vaiguon khahna leh Niangtui latna Rev Kaimuanlal, Moderator ZPCS in thumna nei vaiguon lawchingtah a zaw ahi. ■

“Tuolthattu 100 a 80 khu innsung ki-etkawlna hoilou apat a tu-oltha utna lungsim nei ahi uhi”- **H.C. Anderson**

If undelivered, please return to
The Editor, Gospel Tangkou
MELC Office, Hqtr. Zomi Colony
Post Box – 10, Churachandpur 795128
Manipur, India,
e-mail: melcqrts@mail.com

Gospel Tangkou (Gospel Herald)
RNI Regd. No : 62170/95 MNP 76
(Hachin a kisuo, hattuom khanletna ding)

Printed at



Convention Book House
Dorcas Hall Campus, New Lamka

BOOK POST

To

.....

.....

.....